

欽  
定  
全  
唐  
文

欽定全唐文卷二百七目錄

宋璟

梅花賦

并序

三月三日爲百官謝賜宴表

謝觀內宴表

請停東宮上禮表

賀雨表

乞休表

定諸王公主封邑名號奏

請卹盧懷慎家口奏

請停仗內音樂奏

請罷悲田奏

論頒示興慶符命奏

請停廣州立遺愛碑奏

請緩令王惠充使往車鼻施奏

論修德刑疏

諫築墳逾制疏

對集百姓不便判

對勲品判

先師冉有贊

閻朝隱

晴虹賦

亳州錄事參軍事上騎都尉馮府君紀孝碑

皇甫瓊

對詞標文苑科策

孔元義

郊丘明堂嚴配議

李譔

造大道天尊像記

欽定全唐文卷二百七

宋璟

璟邢州南和人舉進士調上黨尉爲監察御史累拜黃門侍郎睿宗立遷吏部尚書同中書門下三品開元初累封廣平郡公授開府儀同三司罷知政事十七年遷尚書右丞相二十年以年老乞休二十五年薨年七十五贈太尉諡曰文貞

梅花賦

并序

垂拱三年余春秋二十有五戰藝再北隨從父之東川授

館官舍時病連月顧瞻圯牆有梅一本敷蘄於榛莽中喟然歎曰斯梅託非其所出羣之姿何以別乎若其貞心不改是則可取也已感而成興遂作賦曰

高齋寥闐歲晏山深景翳翳以斜度風悄悄而龍吟坐窮檐以無朋命一觴而孤斟步前除以躑躅倚藜杖於牆陰蔚有寒梅誰其封植未綠葉而先葩發青枝於宿枿擢秀敷榮冰玉一色胡雜還於衆草又蕪沒於叢棘匪王孫之見知羌潔白其何極若夫瓊英綴雪絳萼著霜儼如傅粉是謂何郎清香潛襲疎蕊暗臭又如竊香是謂韓壽凍雨

晚濕風露朝滋又如英皇泣於九疑愛日烘晴明蟾照夜  
又如神人來自姑射煙晦晨昏陰霾晝闕又如通德掩袞  
擁髻狂飈捲沙飄素摧柔又如綠珠輕身墜樓半含半開  
非默非言溫伯雪子目擊道存或俯或仰匪笑匪怒東郭  
慎子正容物悟或憔悴若靈均或欹傲若曼倩或嫵媚如  
文君或輕盈若飛燕口吻雌黃擬議難徧彼其藝蘭兮九  
畹采蕙兮五柞緝之以芙蓉贈之以芍藥玩小山之叢桂  
掇芳洲之杜若是皆物出於地產之奇名著於風人之託  
然而豔於春者望秋先零盛於夏者未冬已萎或朝華而



金少子ノ二ノ二ノ一  
速謝或夕秀而邁衰曷若茲卉歲寒特妍冰凝霜冱擅美  
專權相彼百花誰敢爭先鶯語方澀蜂房未喧獨步早春  
自全其天至若棲迹隱深寓形幽絕恥鄰市塵甘遯巖穴  
江僕射之孤鐙向寂不怨悽迷陶彭澤之三徑長閒曾無  
惜結諒不移於本性方可儷乎君子之節聊染翰以寄懷  
用垂示於來哲從父見而勗之曰萬木僵仆梅英再吐玉  
立冰姿不易厥素子善體物永保貞固

三月三日爲百官謝賜宴表

臣某言臣伏以漢崇元巳齊曰上遊咸聞執蘭以盛禊飲

洛水之會囂呼不足紀也永和之遊僻陋不足追也臣等  
生逢多幸遇會聖明賜與榮渥逾溢涯分詢於史策超軼  
古今臣某伏惟皇帝陛下屈已愛人布和施恩慶賞所及  
萬國歡心財成之道與天悠久爰以令節錫宴公亭翠帟  
文茵俱來天上嘉餽清醑亦自大官欣歡之聲浹於億兆  
銜感之至形於頌歌而天心霈然宸章煥發曲蒙賜示捧  
讀兢懼涵泳五音光輝二雅流於饒磬永播無窮豈臣庸  
愚詎能思度今狂虜衰息年穀屢登俗被湛恩人歸壽域  
讌遊高會適助時康況上宰冢卿修簪長劒前後羅列小

大相從所以序聖朝之多士爲百代之風流臣等叨榮無任懇迫報効何日進退知慚不勝欣忭之至

謝觀內宴表

臣某等言伏以雲韶是稱天樂華夷不覩席品徒瞻伏惟  
皇帝陛下慶洽人神惠敷雲雨合歡飲於八仙闕伎降於  
九重遂使六樂增唱萬人駭歎豈激楚之足匹何鈞天之  
能擬况復飾無貴寶衣用大帛遠而望之如金翠之旅近  
而觀之同弋綈之髣其廣大也可以俗應陽和其純儉也  
可以人知軌物故能作程海內垂裕天長望編史冊永彰

明聖臣等不勝悅豫之至

請停東宮上禮表

臣伏以太常狀以皇太子冠准東宮典記有上禮之儀謹按上禮非古從南齊後魏方始有此事而垂拱神龍更扇其道羣臣歛錢獻食君上厚賜答之姑息施恩方便求利每緣一事有此再煩齊魏之風故不足效後車轍有前車之戒應當取適皇太子冠乃盛禮自然合有賜賚上臺東宮兩處宴會非不優厚其上禮宜停

賀雨表

近者日永南陸雲密西郊鬱彼炎氣暫愆時雨陛下順天  
布德憂人在念潔壇菲膳恤獄緩刑故得膏澤應期會旬  
而至夜良田望歲自公而及私觀其洒液九重雜梅香而  
共溢含涼入水將麥氣而俱清臣等預睹休和叨承霑沐

乞休表

臣璟言臣聞力不足者老則更衰心無主者疾而尤廢臣  
昔聞其語今驗諸身況且兼之何能爲也臣自拔幽介欽  
屬聖明才不逮人藝非經國徒以久承驅策歷參試用命  
偶時來榮因歲積遂得再昇台座三入冢司進階開府增

邑大郡所更中外已素鼻章逮居端揆尤竊右職何者丞相官司之長任重昔時愚臣衰朽之餘用慚他日位則逾盛人則浸微盡知其然何居而可頃者僂俛從政蒼黃不言實懷覆載之德冀竭涓塵之効今積羸成憊沈痾莫瘳耳目更昏手足多廢顧將隕越寧遂宿心安可苟徇大名仍尸重祿且留章綬未上闕庭儀刑此乖禮法何設伏惟陛下選能以授爲官而擇察臣之有詞矜臣之不逮使得罷歸私室養疾衡門上弭官謗下知死所則歸全之望獲在愚臣養老之恩施於聖代日暮途遠天高聽卑瞻望軒

墀大深感戀臣比伏枕不堪詣闕無任懇誠之至謹遣男  
朝請大夫行起居郎渾於朝堂奉表陳乞以聞

定諸王公主封邑名號奏

王子將封三十餘國周之麟趾漢之犬牙彼何足云於斯  
爲盛竊以郊郊王等皆傍有古邑字臣等以類推擇謹件  
三十國名又王子先有名者皆上有嗣字又公主邑號亦  
選擇三十美名皆文不害意言足定體又令臣等別撰一  
佳名及一美邑號者七子均養百王至仁今若同等別封  
或緣母寵子愛骨肉之際人所難言天地之中典有常度

昔袁盎降慎夫人之席文帝竟納之慎夫人亦不以爲嫌  
美其得久長之計臣等故同進更不別封上彰覆載無偏  
之德

請卹盧懷慎家口奏

太學助教張知謙與臣等言論故黃門監盧懷慎清儉身  
死之日家無餘財遺嗣貧窶衣食不給伏以懷慎歷官中  
外數十餘年晚在黃門足爲貴秩清約守道朝廷共推親  
弟懷莊雖居朝列然其簡身素謹亦有兄風妻子居貧無  
可以給聖朝褒賢勸善激濁揚清貪婪者靡不棄捐介潔



金定全唐文卷二百一  
者宜應念錄况富本榮業所貴能散天地至仁所貴能養  
行賞必於合義賜與難以妄加如懷慎者既會任宰相特  
承皇眷施舍可愛沮勸斯在臣等暗識不早陳聞知謙上  
言理足甄用望出制論懷慎平生苦更賜其家物一百段  
粟二百石以示不遺

請停仗內音樂奏

十月十四十五日承前諸寺觀多動音聲今傳有仗內音  
聲擬相誇闕官人百姓或有縛縑此事儻行異常喧雜四  
齊雖許作樂三載猶在遏音伏惟孝理深在典故臣等既

聞此事不敢不陳

請罷悲田奏

悲田養病從長安已來置使專知且國家矜孤恤窮敬老  
養病至於按比各有司存今遂聚無名之人著收利之使  
實恐逃逋爲藪隱沒成姦昔仲繇仕衛出私財爲粥以施  
貧者孔邱非之乃覆其饋人臣私惠猶且不可國家小慈  
殊乖善政伏望罷之其病患人令河南府按比分付其家  
論頒示與慶符命奏

徵祥所寶在於聖德興慶休應宇內咸知頒告刻石恐塵

大體望宣付國史

請停廣州立遺愛碑奏

臣伏見韶州奏事云廣州與臣立遺愛頌但碑所以頌德紀功披文相質臣在郡日課無所稱縱恭宣政理幸免罪戾一介俗吏何足書能濫承恩私見在樞密以臣光寵成彼詔諛欲革此風望自臣始請勅廣府卽停

請緩令王惠充使往車鼻施奏

嘉會表稱突騎施車鼻施勾引大食吐蕃擬取四鎮見圍撥換及大石城嘉會已發三姓葛邏祿兵與史獻同掩襲

臣等伏以突騎施等跡已叛渙葛邏祿等志欲討除自是  
夷狄相攻元非朝廷所遣若大傷小滅皆利在國家成敗  
之狀卽當聞奏王惠充使本爲綏懷事意旣殊未可令去  
望待以西表至續更商量

論修德刑疏

陛下屢降德音勤恤人隱此誠蒼生繫賴明主用心但河  
北不登或須給貸貴在用遍省於差科共遵程式又考使  
去日恩勅再三若有饑弊隨使賑廩山東蒸黎德施溥洽  
又頃者緣農桑在候恐囚繫尚多徒已下刑並責保放唯

流死等色則情不可寬古人慎赦義在存法恐今有言事者未能細知直以月蝕修德或云分野應有災祥因而多言冀惑上聽臣以爲君子道長小人道消女謁不行讒夫漸遠此所謂修德也圜圉不撓甲兵不興理官在平不以深苛爲獄軍將慎舉不以輕進邀功此所謂修刑也向時祈陳皆朝廷常已留念縱日月慎盈滿將因此而致福必指期而有應且君子恥言浮於行故曰予欲無言又曰天何言哉四時行焉百物生焉望以至誠動神不要制書頻降其京城諸司及府縣繫囚仰重臣等卽准勅興所由參

詳處分

諫築墳逾制疏

夫儉德之恭侈惡之大高墳乃昔賢所誠厚葬實君子所  
非古者墓而不墳蓋此道也凡人子於哀迷之際則不以  
禮制爲思故周孔設齊斬總免之差衣衾棺槨之度賢者  
俯就私懷不果且蒼梧之野驪山之徒善惡分區圖史所  
載衆人皆務奢靡而獨能革之斯所謂至孝要道也中宮  
若以爲言則此理固可敦諭在外或云竇太尉墳甚高取  
則不遠者縱令往日無極言者其事偶行令出一時故非

常式貞觀中文德皇后嫁所生女長樂公主奏請儀注加於長公主魏徵諫云皇帝之姑姊爲長公主皇帝之女爲公主既有長字合高於公主若加於長公主事甚不可引漢明故事云羣臣欲封皇子爲王帝曰朕子豈敢與先帝子等時太宗嘉納之文德皇后奏降中使致謝於徵此則乾坤輔佐之間綽有餘裕豈若韋庶人父追加王位擅作酆陵禍不旋踵爲天下笑則犯顏逆耳阿意順旨不可同日而言也况令之所載預作紀綱情旣無窮故爲之制度不因人以搖動不變法以愛憎所謂金科玉條蓋以此也

比來蕃夷等輩及城市閒人遞以奢靡相高不將禮儀爲意今以后父之寵開府之榮金穴玉衣之資不憂少物高墳大寢之役不畏無人百事皆出於官一朝亦可以就而臣等區區不已屢以上聞諒欲成朝廷之政崇國母之德化浹寰區聲光竹素儻中宮情不可奪陛下不能苦違卽準令一品合陪陵葬者墳高三丈已上四丈以下降勅將同陪陵之例卽極是高下得宜

對集百姓不便判

得魏州貴鄉學士謝希顏告本縣令鄭國僑每



集百姓以爲不便勸以六禮兼用七教修殷摯

之法後并

一作復伍

其田百姓被論國僑法外妄加

筭楚處分

墨綬臨人國僑隨班於邑宰青襟敬業希顏齒跡於鄉校  
將宣風於禮教道化未敷議爲政之得失訟聲斯起利害  
之間非是相半何則修六禮以節性明七教以崇德蓋闡  
皇王之風何虧令長之教至若廢耕釋耒方行殷摯之法  
計畝分疆後施子產之令風雨惟序豈資區種之勤虞芮  
不爭焉用井田之制處事則於人不便容或施張加筭則

於法有違固須科結

對勲品判

宋臣前任視流外傳得勲品請依視品定階

宋臣位末名卑迹參郎署前任後改亦異階資欲定見任之階希取視流之品且視流於正流既別勲品將三品斯殊階雖請於後高品終在於前任章程可據體例先施犯罪雖許同科定階難爲共貫宜從二品庶允三章

先師冉有贊

文之禮樂適可成人目以政事方爲具臣豈才不足寧道

欽定全唐文

卷二百七

宋璟

閻朝隱

士

斯屯其謂國老眇然清塵

閻朝隱

朝隱字友清趙州欒城人累遷給事中聖歷二年轉麟臺  
少監詔事張易之常代作篇什易之伏誅坐徙嶺外先天  
中復爲祕書少監坐事貶通州別駕

晴虹賦

一陰一陽備藻績以成文章載清載濁挂天涯而臨地角  
生於氣立於空宛宛轉轉瞳瞳矐矐上下明媚表裏沖融  
洗奇光於暴雨留艷彩於飄風隱顯之情奚爾造化之理

何窮若乃碧嶂無雲清江息浪曲折異體低昂殊狀半出  
高岳疑蟾魄之孤生全入澄瀾若蛾睂之相向又乃綺窗  
遠闌錦帳斜褰髣髴天上依稀目前暉兮煜兮旣類丹山  
碧樹之重疊斷兮連兮又似美人彩女之嬋娟察之無涯  
究之無實光天地之大造保雲霄之元吉爰有下才或趨  
微秩其志蹇蹇其心慄慄體物無功著書有疾旣蘊慚於  
明鏡載有閤於鴻筆

亳州錄事參軍事上騎都尉馮府君紀孝碑

夫元亨利貞開物之綱鍵也典謨訓誥設範之源流也變

通周於三古而

闕二字

其情浸潤洽於九區而人乘其利

闕二字

字

之捶歲探其微如篁之折日取其半萬代而不盡府君

之道歟府君諱本字

闕二字

長樂信都人也周之爲主天子

授以丕基晉則有人丞相登其寵渥自後衣冠代起組綬

駢驅邦家必聞出幽都而獨秀名教可樂入魏國而先鳴

曾祖

闕一字

後魏外兵參軍北地郡丞昂藏絕羣耿介負俗

其功可立思與主而吁噓其道不行視危邦而傲睨祖悅

宇文朝驃騎將軍定安

闕一字

郎中令與隋文帝有舊辟命

不出去病以威名動俗昇之驃騎雍齒以故舊生釁封以

什方國步重清出爲嘉州犍眉縣令仁恩浹於旋靶信義  
流於闔棺父賢隋校書郎國初率子弟應接義旗加通議  
大夫檢校定州北平縣令蒼足篆籀之指歸陰陽術數之  
城府莫不備窮制造妙盡精微建功則與天會留委質

闕五

字重規沓矩驥

闕一

鵬飛爲珠則漢水聯華爲玉則崑山

動色公波瀾萬仞節目千丈

闕一

衣壁水見科斗之爲文

鼓

闕七

成字草隸斯盡筋肉備存或取以龜圖或詳諸鳥

跡或理窮元妙或思盡毫芒以之象形穎脫於前載以之

會意

闕九

解褐利州參軍徙縣州參軍頻丁父憂去職結

廬在墓負土成墳父今母今鞠我育我取敬取愛以尊以

嚴事

闕七字

荼蓼陟屺岵而不見行碎肝

闕一字

僅全毀滅之

中重起簪裾之內服闋遷淄州錄事

闕二字

乾封中入計上

臨軒問

闕九字

王是臨奇獸不入九十百衆日月歲資艸結

盡有爲之門倉坵虛不急之事

闕二字

庾壹粒積成九稔之

儲露

闕八字

之產陛下以損爲未損微臣以安爲未安爰下

天書載牧垌澤有犯無隱皆

闕二字

也尋擢亳州錄事參軍

如

闕八字

如網提綱得鳥期於一目功無所蔽過無所容巡

察使以清白聞秩未進於

闕二字

名已登於岱錄以咸亨四

年

闕六字

春秋六十有四人吏傷心仰徽容其若疚友朋交

臂顧支體其若失夫人恒農楊氏繼夫人上

闕八字

交接爲

國則土宇齊封陽數奇陰數偶以久視元年五月廿二日

合祔於先塋禮也嗣子銀青光祿大夫

闕六字

留直昭文館

敦直曾興至孝閔

闕一字

醇心公才備於四科帝獎隆於三

篋若韋

闕一字

之銘寶器若李斯之篆銅人挺生間起角立

傑出兼張華之博物若孔光之深慎剖析凝滯則明鏡見

膽鎔裁得失則利劍吹毛

闕二字

劬勞未盡罔極之報匍匐

感咽庶期不朽之文朝隱竹簡舊遊蓬山遺老有企無愧



考行直書通銘其言俾刻於石冀東西南北

闕

夫子之墳

焉其辭曰

瓜戔縣縣系於周年畢公自出畢萬是遷仕晉何代封魏

何年食邑命氏馮鄉有焉符運代起水火更王

闕一字

燕稱

孤入魏爲相士流模楷名教宗匠冠冕搢紳允歸時望光

光郡丞挺生其後昂藏獨得耿介是守辭疾邱園養高林

藪雖卽千駟非義不受赫赫驃騎聲雄五都盈尺美玉徑

寸明珠盧綰卽舊雍齒何辜或出或處與時並驅爰降異

靈是生良宰陰陽數術篆籀文采橋鶯未振潛龍有待以

忠事君其跡斯在鳳凰有雛

闕二

有駒雛鳴鏘鏘駒行昂

昂登

闕一字

胄子擢於上庠參卿軍事其道逾光盡節匡時

受命河洛典茲刺舉繩違景毫物情刻剋代務

闕二字

無謂

我固藏舟於壑哀哀嗣子惴惴餘生孝友成性忠貞令名

通於天地感於神明冀搖雄筆以紀頌聲千秋萬歲灌木

豐草子孫盈門軒車

闕一字

道或青或紫以拜以掃披其遺

文與天同老

皇甫瓊

瓊

一作伯瓊

永昌元年進士

對詞標文苑科策

問朕聞北辰端扆衆彥以經邦南面居尊俟羣材而緯俗是知九官分職薰風之詠載敷八元匡朝就日之規方遠歷選列辟遐考前修並建明敷之躅式廣旁求之義故康衢扣角授相越於齊班海上牧羊封侯超於漢秩洎乎淳風陵替雅道湮沈仕必因基官非材進官雖備職位匪得人遂使七輔之材銷聲於巖穴六佐之彥晦跡於邱園寤寐以之載勞虛佇今欲革因循之弊躡稽古之蹤此志雖勤其途未遂爲是旌賁爽於前代英傑寡於今晨佇爾

昌言朕將親覽

對珠衡上列聖人居耀魄之尊玉理旁融元后握乾坤之柄膺寶歷而推五勝皇綱居混沌之先懸玉鏡而運三千帝系出氛氲之上莫不闢天關以統業橫地軸而開基象列宿而環北辰制諸侯而嚮南面柱州巢氏之際晦聲迹於龍圖結繩鍊石之餘摘景曜於龜象未有巨川已濟不資舟楫之功大厦已成不假棟梁之力至於遠電流祉旣委任於三台就日居尊亦僉謀於四岳道德爲富魏文侯之式廬禮義可尊燕昭王之擁篲孔明佐蜀叶魚水以陳

謀仲父相齊假鴻毛以康俗洎羸暉掩鏡漢道亾珠位以  
恩升榮非德進挂網羅者則黃鵠高飛縻爵祿者則青鳬  
競至自欽明撫運憲章稽古司光鳳紀位映龍名振鷺來  
儀襲憲颺而鼓舞白駒萃止食苗場以繫維所以繩準百  
王牢籠萬代伏惟聖母皇帝陛下闢陰陽之一氣獨化初  
皇啓日月之三光混成太極靈祇翕忽出震宮而齊巽圍  
雲雨氤氲辨天垓而通地圻慕崩沙之靈運符潤石之休  
期憂在進賢道叶採苓之化恩無不逮德合樛木之風掩  
媧后以彌尊邁姬旦而立政吹竽釣璜之侶接武於階墀

騎星弄電之夫肩隨於廊廟雖良駿充廢逾懷買骨之謀  
真龍在堂久佇丹青之翫應休璉之獨坐鳥雀來庭尹叔  
良之閑居蠨蛸在戶傍加策問親覽政途詞麗汾州聲洋  
沛一作洛邑掩鵬圖而該魏網漆園無控地之詞飛鶴板而  
徵漢臣九皋有聞天之譽凡曰羣生孰不幸甚臣中庸賤  
逸下澤幽微忝預明駁謬承採擇馳心日路冀三捨以矜  
魂累息天門瞻九重而惕慮謹對

孔元義

元義垂拱初爲成均助教

郊丘明堂嚴配議

謹按孝經云孝莫大於嚴父嚴父莫大於配天既言莫大於配天明配尊大之天昊天是也物之大者莫大於天推父比天與之相配行孝之道莫過於此以明尊嚴之極也又易曰先王以作樂崇德殷薦之上帝以配祖考鄭元注上帝天帝也故知昊天祭合祖考並配請奉太宗文武聖皇帝高宗天皇帝配昊天上帝於園丘義符孝經周易之文也神堯皇帝肇基王業應天順人請配感帝於南郊義符大傳之文又按祭法云祖文王而宗武王祖始也

宗尊也所以名祭爲尊始者明一祭之中有此二義又孝經云宗祀文王於明堂文王言祖而云宗者亦是通武王之義故知明堂之祭配以祖考請奉太宗文武聖皇帝高宗天皇大帝配祭於明堂義符周易及祭法之文也謹議

李譔

譔韓王元嘉子少以文才見知諸王子中天后朝官通州刺史元嘉起兵誅武氏與父同坐誅

造大道天尊像記

有唐五十三祀龍集敦牂哀子李訓誼譔謹銜恤在疚寘



懷靡所永言報德思樹良因敬立大道天尊及侍真像粵  
若稽古藐覲遂初真宰貞乎得一混成表於沖用元之又  
元蹟超言象之域惟恍惟惚理冥視聽之端所以峒山順  
風勞乎靡索汾陽御辯窅然自喪曠矣哉道之韞也其寄  
於寥廓之場焉至於玉笈宣徽琅函吐祕方壺神闕蒙穀  
靈遊倏忽九陔導飛廉而從敦圉俯仰六合戴列星而乘  
雲氣固亦昭章逸軌肸蠭孤風淳化其瞭幽契無爽伏以  
先妃含貞載德克懋柔儀延慶台華正位藩閭動容資於  
典禮發言光乎箴訓故紘紼是肅粦盛無違大當叶曜中

閨以睦況倚間分甘之澤徙居側眄之規義越人倫恩深  
振古重以凝神道域抗志澄源淮館儀仙參鴻寶之靈術  
楚壇敷教暢微言之盛範儒元兼洞真俗兩該德冠母儀  
事高嬪則豈圖昊天不惠積善無徵咎罰奄鍾荼蓼俄集  
訓等痛纏過隙感切風枝泣血攀號自期顛隕祇奉嚴訓  
慈勉備隆偷存視息遄移氣序几筵寂寞瞻望長違創巨  
徒深寄哀何地所以貪及餘漏祈福元宗敬寫真容庶幾  
終古而土木非可久之致鎔鑄爲誨盜之先肅奉冲規圖  
輝貞質睟容伊穆元儀有煒金真摛耀疑金闕之易奔琳

華揚彩若琳房之可覲霓裳交映歛駕斯留帝晨飾翠雲  
之美香童散朱陵之馥載雕爰畢式展咸祈以此勝因上  
資神理伏願栖真碧落飛步黃庭謁羣帝於天關攜列仙  
於雲路融心懸解宅美希夷注儀鄰以同煥指乾坤而齊  
極介茲多祉藩度惟隆如山作固永播熊章之烈循陔自  
勛冀申烏鳥之志孔明在鑒匪曰道遐同心嗷闔庶斯無  
拔昔人銜哀罔極鉛槧騰聲柔紛克劭義切張憑之誅至  
德興思痛深陸機之賦況清輝懋範宛若前蹤瞻言景行  
敢忘刊紀餘魂弱喘情不逮文謹託真猷直書心事音儀

日遠風烈空傳叩心感慕終天何及

欽定全唐文卷二百八目錄

韓凝

漢齊蓋廟碑

沈伯儀

郊丘明堂嚴配議

李昭德

請建皇嗣疏

東方虬

尺蠖賦

蚯蚓賦

蟾蜍賦

韋元旦

游神泉詩序

張齊賢

明堂告朔議

七廟議

馮萬石

對文詞雅麗策

對求賢策

對歷數策

對議邊塞事策

對不以采蘋爲節判

吳揚吾

明堂告朔議

魏靖

理冤濫疏

蔣挺

對增貲就賦判



欽定全唐文卷二百八

韓凝

凝昌黎人

漢齊蓋廟碑

天子建德因生賜姓胙之土而命氏從其諡以稱族自義  
軒法天泊我唐垂拱取威定霸宏弼皇維者卽錫姓封樹  
公之先伯益典司三禮尚父封公營邱助化唐虞扶傾周  
漢爵窮五等榮冠百工雖繁華族莫居其右公諱蓋字副  
世前漢平帝錫字漢賢公生爲人瑞歿爲人神神而靈應

代崇明祀考史冊薨位之歲闕書徵譜謀降神之年無錄  
原其圖籍建號取公之錫字而名漢賢神矣十一代祖周  
諡康公因避田和篡亂爰宅於茲曾祖節皇懷州刺史祖  
賀皇左司郎中考智皇成帝博士公五百年膺期挺生漢  
代神識沈敏凜肅丰姿經濟之略夙富於襟懷翊贊之源  
久明於微旨節用於內樹德於外關一時無與京伐未萌  
之謀世何能敵繇是平帝聞之深嘉其器累徵釋褐拜宣  
議郎大明爲臣之節素抱匡時之術肅治明法敬天畏人  
耿介對問有任座直言諫諍犯顏同朱雲折檻帝念公之

爲臣乃社稷之臣也乃錫之字時元始季年蕃戎猾夏帝  
知公神武名略又拜北平將軍受律邁征爲民舒福五申  
誓衆定見無窮之勲三略訓兵決逞必然之捷桴鼓作氣  
果應神機大潰羣兇振旅而返獻俘受馘帝輸鴈塞之憂  
命爵庸勲公拜鳳池之詔除幽州刺史臨下簡肅御衆詳  
明清聲獨彰飽聞天聽遷冀州刺史爰革舊規維揚新令  
間執私黨斥遠姦回大副宸衷殊褒丕績封險瀆侯累承  
渙汗倍戒驕淫絕盤遊之娛除罩弋之物化源旣厚錫命  
愈深又封關內侯兼知河北道事兩綰郡符救旱有隨車

之雨二秉侯印臨邊無擊柝之聲任彌重轉勤位踰高尤  
謹居祿以德不其然乎詩云樂只君子邦家之光公之謂  
矣時屬漢之季世臣莽巨君逆天肆兇踐極公銜哀之次  
憤氣填胸按劍呼天曰我先帝朝夕思治寤寐求賢子惠  
困窮民服厥命任我事効我功與惡而棄好非謀去順而  
效逆速禍天監孔明敢臣僞主迺於幽冀中分以濟水之  
南深溝峻壘繕甲兵具車乘戈矛林植雉堞雲平一方民  
飲公之惠愛尚公之忠節罔不祇若時僞主令大將軍鄧  
郁帥兵討穰公獨步戎場卓然雄略不恃其險而恃其德

進戰虎賁爭先退守金湯莫固大挫勍敵不尅而還公純  
臣純孝冠絕古今神勞遠謀思復漢業大勲未集公薨於  
位冀趙之民號泣如堵耕夫釋耒若子產之喪鄭邦童子  
不謠類五穀之凶秦國會漢室復興追諡公號禮也有子  
五人咸名掩前哲克續鴻業章帝拜孟子爲郎中仲子左  
翊衛大將軍至和順二帝徵命諸子建爵榮位易曰天之  
所助者順也人之所助者信也公之一門克彰二美順契  
天道信感人心美哉輪奐清廟闕二儼然如闕一二子侍  
坐奉冢祀焉趨詣者鱗集皆股栗懾威祈禱者雲臻俱心

肅生敬列國之君粢盛

闕一

替民有災而恩靈必贊歲若

旱而雲雨時興德著四維福流千古以爾靈威定霸於茲  
不文於石奚彰厥美

沈伯儀

伯儀吳興人武后時爲太子右諭德厯官祭酒修文館學  
士

郊丘明堂嚴配議

謹按禮有虞氏禘黃帝而郊嚳祖顓頊而宗堯夏后氏亦  
禘黃帝而郊鯀祖顓頊而宗禹殷人禘嚳而郊冥祖契而

宗湯周人禘嚳而郊稷祖文王而宗武王鄭元注云禘郊祖宗謂祭祀以配食也禘謂祭昊天於圓丘祭上帝於南郊曰郊祭五帝五神於明堂曰祖宗伏尋嚴配之文於此最爲詳備虞夏則退顓頊而郊嚳殷人則舍契而郊冥去取旣差前後乖次得禮之序莫尚於周禘嚳郊稷不間於二主明堂宗祀始兼於兩配咸以文王武王父子殊別文王爲父上主五帝武王對父下配五神孝經曰嚴父莫大於配天則周公其人也昔者周公郊祀文王於明堂以配上帝不言嚴父武王以配天則武王雖在明堂理未齊於

配祭既稱宗祀義獨主於尊嚴雖同兩祭終爲一主故孝經緯曰后稷爲天地主文王爲五帝宗也必若一神兩祭便則五祭十祠薦獻頻繁禮虧於數此則神無二主之道禮宗一配之義竊尋貞觀永徽共遵專配顯慶之後始創兼尊必以順古而行實謂從周爲美高祖神堯皇帝請配圓丘方澤太宗文武聖皇帝請配南郊北郊高宗天皇大帝德邁九皇功開萬寓制禮作樂告禪升中率土共休普天同賴竊維莫大之孝理當總配五天謹議

李昭德



昭德司刑太常伯乾裕子擢明經累官御史中丞如意元年拜鳳閣侍郎同鳳閣鸞臺平章事以怙權貶欽州南賓尉召授監察御史來俊臣誣以謀逆誅神龍二年贈御史大夫建中三年加贈司空

請建皇嗣疏

臣聞文武之道布在方策豈有已爲天子而爲姑立廟乎以親親言之則天皇是陛下夫也皇嗣是陛下子也陛下正合得天子子孫爲萬代計况陛下承天皇顧託而有天下若立承嗣臣恐天皇不血食矣

東方虬

虬武后朝官左史

尺蠖賦

六氣氤氲四時平分天道恍忽是生萬物化而爲鳥兮有  
鳴鳳之來儀化而爲蟲兮有尺蠖之能屈原夫蠖之爲生  
也不飲不食非榮非利無欲進道處身似智幸稟天地之  
生亦承雲雨之施哂搏擊而爭疾輕爪牙而自致其勇也  
不怯雷霆之聲其慎也寧勞鷹隼之驚浩然無悶之境獨  
處不爭之地多其順時而出就暖而長吐微絲以逍遙覺

緩步而來往當靜泉澄遇躁風興屈伸進退翼翼繩繩同  
吹萬而生養體抱一以含宏聖人書之以作誠君子行之  
而足徵況不才之下士敢求伸以自矜

蚯蚓賦

惟陰陽之播氣實萬類以呈形有微蟲之稟質應甲子而  
濕生雨欲垂而乃見暑旣至而先鳴乍逶迤而鱗屈或宛  
轉而蛇行內乏筋骨外無手足任性行止物擊便曲徒進  
退而皓首竟不知其所欲東西詰屈南北賁緣上食塵塊  
下飲淵泉應軒轅土德之王入蔡邕勸學之篇其體甚微

其用至專瑾泥塗以自保觸鹽滋而罔全豈造化之賦命  
信歸之於自然

蟾蜍賦

觀夫天地之道轉萬物以自然鱗蟲之聚有蟾蜍而可稱  
焉鳥吾知其擇木魚吾知其在水此皆嬰刀俎以生患而  
我沈冥而得全爾其文章睨目銳頭皤腹本無牙齒之用  
寧懼鷹鷂之逐或處於泉或漸於陸常不離乎跬步亦何  
擇於栖宿當夫流潦初溢陰霖未晴乘清秋之良夜散響  
耳之繁聲瀕洞雷殷混萬籟而爲一喧阗鼓怒怛異類以

那驚既莫知其所止故乃逢時則鳴觀其忘機似智稱善  
不伐進而無愧恥魚之曝鰓退亦能謀笑龜之灼骨方將  
樂彼泥中與井底安能出乎河長與海闊稱其異則畫地  
成川語其神則登天入月豈真窪坳之內而見其浮沒意  
茲蟾蜍匪陋攸居沼沚之毛恣涵泳之無斃蘋蘩之菜兼  
糗糧而有餘方其鳴孔公若聞於鼓吹當其怒越子反駐  
乎乘輿彼龍蛇之蟄也吾不知其所如

韋元旦

元旦京兆萬年人擢進士第補東阿尉遷左臺監察御史

與張易之有姻屬易之敗貶感義尉召爲主客員外郎遷  
中書舍人景龍二年爲修文館學士

游神泉詩序

美原縣東北隅神泉者雖無樹石森深之致而有豁險清  
冷之異韋子蓋嘗倦簿領洗塵冥爰命丞太原王公主簿  
平陽賈公尉南陽張公釋事以遊焉喟然而歎曰陵谷之  
變雖窮造化之功何檢有窮則適變無檢則忘功所以物  
効其奇事冥其契嗟虜恨不得列之玉檻漱以瓊漿勝負  
無私流俗所忿徒觀其色潔其味美起自文明首秋時則

垂拱元夏隕祥應運非醴泉歟不然何明析雜

闕一降福字

胗蠻而幽通之若此也澗形如規四望若掃平地可深百

許尺東西延袤七八十尺下積員泉

闕一

淳鏡澈莫測其

底南流出界雖雲漢昭回而滲漉無端則所謂上善利物

谷神不死豈虬龍窟宅靈僊福祐懷清佇俊抱逸尋幽者

乎躋顥氣而瑩襟情疏元流而屏喧濁忘歸淡定盍賦詩

云

張齊賢

齊賢陝州人聖歷初爲太常奉禮郎遷博士論禮制合古

議累遷諫議大夫

明堂告朔議

禮官狀云經史正文無天子每月告朔之事者謹按穀梁傳曰閏月天子不告朔是知他月天子告朔矣又按左氏傳以魯侯不告朔爲棄時政也則諸侯閏月亦告朔矣又按周禮太史職頒告朔於邦國之中禮記玉藻天子聽朔於南門之外皆有閏月王居門之事是天子亦以閏月告朔矣非是天子不告而諸侯亦告也穀梁子去聖尚近雖閏月告朔之義與左氏不同然皆以天子諸侯每月當行



告朔之事兩禮之設其文甚著不可謂經史無正文也又  
禮官狀以周禮天官太宰職云正月之吉始和布治於邦  
國都鄙乃縣象法於象魏使萬人觀之浹日而斂之卽是  
謂禮記玉藻之聽朔因此遂謂王者唯以歲首元旦一告  
朔此說非也何者太宰所云布治於邦國都鄙者布其所  
掌太宰之典也故地官司徒職則布教典春官宗伯職則  
布禮典夏官司馬職則布政典秋官司寇職則布刑典唯  
冬官司空職以五官之職言之則其職亦當布事典也  
此乃六官各以正月之吉宣布其職之典非告朔也于寶

之注以經所云正月之吉者卽是正月之朔日也故解云吉是朔日也今云告朔日者卽傳寫之誤不可據以爲說也又禮官狀云每月告朔者諸侯之禮故云左氏傳云旣視朔遂登觀臺今王者行之非所聞也又云以天子之尊而用諸侯之禮非所謂頒告朔令諸侯使奉而行之謂此大謬也何者左氏所言視朔者猶玉藻之聽朔也今禮官據左氏有魯侯行視朔之禮卽謂諸侯每月當告朔玉藻亦有天子行聽朔之禮亦有閏月王居門之事卽天子唯歲首一告朔何其一取而一捨也又孝經云昔者明王事

父孝故事天明又云明王以孝理天下豈有王者設教使諸侯尊祖告朔而天子不告也非所謂以明事神訓人事君之義又禮官狀云鄭所謂告其時帝者卽太皞等五人帝此又非也何者鄭注惟言告其時帝及其神以配文王武王不指言天帝人帝但天帝人帝並配五方時帝之言包天人矣但以文王武王作配則是並告天帝人帝諸侯受朔於天子故但於祖廟告而受行之天子受朔於上天理宜於明堂告其時之天帝人帝而配以祖考也故玉藻疏載賀瑒義亦以時帝爲靈威仰等五天帝且聖人爲能

饗帝孝子爲能饗親今若但告人帝則聖人之道未備非所謂能饗也又禮官狀云若天子每月朔旦告祭然後頒之則諸侯安得受而藏之告而行之是明太宰以歲首宣布一歲之令太史從而頒之令旣頒矣政旣行矣而王猶月月告朔復欲何所宣布者春官太史職云頒朔於邦國是總頒一歲之朔於天下諸侯故諸侯得受而藏之告而行之而王猶月月告朔頒之於官府都鄙也此謂畿內彼謂畿外事不相關也又禮官狀云漢魏至今莫之用者秦人滅學經典不存漢祖馬上得之未能備禮自魏以下喪

亂宏多豈可以漢魏廢禮欲使朝廷法之也又禮官狀云  
禮論等及祠令並無天子每月告朔之禮崔靈恩三禮義  
宗廟祭服義亦載天子視朔之服不可言無也又貞觀顯  
慶禮及祠令非徒無天子每月告朔之文亦無天子歲首  
告朔之事今禮官何以言天子歲首一告朔乎借矛擊楯  
昭然易了每月告朔在禮不疑尊祖配天於義爲得若乃  
創制垂統損益舊章或欲每月聽政或欲孟月視朔此則  
斷在宸極事關執政固非羣議所得參詳謹議

七廟議

昔孫卿子云有天下者事七代有一國者事五代則天子  
七廟古今達禮故尚書稱七代之廟可以觀德祭法稱王  
立七廟一壇二墀王制云天子七廟三昭三穆與太祖之  
廟而七莫不尊始封之君謂之太祖太祖之廟百代不遷  
祫祭之禮毀廟之主陳於太祖未毀廟之主皆升合食於  
太祖之廟太祖東向昭南向穆北向太祖者商之元王周  
之后稷是也太祖之外更無始祖但商自元王已後十有  
四代至湯而有天下周自后稷已後十有七代至武而有  
天下其間代數稍遠遷廟親廟皆出太祖之後故合食有

序尊卑不差其後漢高受命無始封祖卽以高皇帝爲太祖太上皇之父立廟享祀不在昭穆合食之列爲尊於太祖故也魏武創業文帝受命亦卽以武帝爲太祖其高皇太皇處士君等並爲屬尊不在昭穆合食之列晉宣創業武帝受命亦卽以宣帝爲太祖其征西豫章潁川京兆府君等亦爲屬尊不在昭穆合食之列歷茲已降至於有隋宗廟之制斯禮不易故宇文氏以文皇帝爲太祖隋室以武元皇帝爲太祖國家誕受天命累聖重光景皇帝始封唐公實爲太祖中間歷數旣近列在三昭三穆之內故皇

家太廟唯有六室其宏農府君宣光二帝尊於太廟親近則遷不在昭穆合食之數今皇極再造孝思匪寧奉二月二十九日勅七室已下依舊號尊崇又奉三月一日勅既立七廟須尊崇始祖速令詳定者伏尋禮經始祖卽是太祖太祖之外更無始祖周朝太祖之外以周文王爲始祖不合禮經或有引白虎通義云后稷爲始祖文王爲太祖武王爲太宗乃鄭元注詩雍序云太祖謂文王以爲說者其義不然何者彼以禮王者祖有功而宗有德周人祖文王而宗武王故謂文王爲太祖爾非祫祭羣主合食之太



祖今之議者或有欲立涼武昭王爲始祖斯爲不可何者  
昔在商周稷卨始封湯武受命湯武之興祚繇稷卨故以  
稷卨爲太祖卽皇家之景皇帝是也涼武昭王勲業未廣  
後主失國守土不傳景皇始封實基明命令今乃捨封唐之  
盛烈崇西涼之遠構考之前古實乖典禮魏氏不以曹參  
爲太祖晉氏不以殷王卬爲太祖宋氏不以楚元王爲太  
祖齊梁不以蕭何爲太祖陳隋不以胡公楊震爲太祖則  
皇家安可以涼武昭王爲太祖乎漢之東京太議郊祀多  
以周郊后稷漢當郊堯制下公卿議者僉同帝亦然之唯

杜林正議獨以爲周室之興祚繇后稷漢室特起功不緣  
堯祖宗故事所宜因循竟從林議又傳云欲知天上事問  
長人以其近之武德貞觀之時主聖臣賢其去涼武昭王  
蓋亦近於今矣當時不立者必不可立故也今旣年代浸  
遠方復立之是非三祖二宗之意也實恐景皇失職而震  
怒武昭虛位而不答非社稷之福也宗廟事重褻袷禮崇  
先王以之觀德或者不知其說旣灌而往孔子不欲觀之  
今朝命惟新宜應慎重祭如神在理不可誣請勅加太廟  
爲七室享宣皇以備七代其始祖不合別有尊崇之議謹

議

馮萬石

萬石聖厯初第進士大足初中嫉惡科神龍初中才高位  
下科景雲中中懷能抱器科開元初重考及第六年中超  
羣拔類科十三年考判入第十六年又入第二十六年中  
文詞壯麗科凡九登科選

對文詞雅麗策

問朕聞至道雖微不言而化皇天陰隲相叶其彝信寒暑  
而生成施雲雨而沐潤垂範作訓樹君育人時有澆淳教

垂繁略成湯旣聖禹道云公桑扈谷風屢動詩人之刺寒  
門反玷時貽宣父之嫌我國家振彼頽綱開茲盛業朕以  
不德襲號乘時而皇極之道未敷謨明之軌尚闕思宏厥  
理其義安從至如視聽貌言恒若時若會極歸極作哲作  
乂一以貫之何方而可夫禮以飾情情疏則禮略樂以通  
感感至則神和理內爲同修外爲異同異之用有味其功  
人俗未融佇明斯要又四時武德制自何君五行文始本  
之誰代昭德盛德莫辨所尊昭容禮容未詳所出悉情以  
對用釋余疑

對臣嘗黽勉讀書夙夜匪懈觀前代之事稽王者之風欲  
樹文明必招俊乂所以平章百姓昭暢萬人負黼黻而海  
宇清垂衣裳而天下理今陛下朝盈多士野無遺賢猶復  
發德音下明制張雲羅以掩俊設天網以頓奇片善不遺  
有能皆進故得飛飛丹鳳棲翼於帝梧皎皎白駒連食於  
塲藿縱夷齊巢許咸屈於茲臣旣庸妄豈敢當此且聲非  
入異譽不出凡文律未明才用無取謬參推擇濫赴搜揚  
安敢避直飾詞向華乖實但丹誠有厲至敬無文敢竭鄙  
聞用當明試然將涓滴以足海用纖埃以增岳雖寡攸助

誰能默哉臣聞建國興邦必以黎元爲本康時訓代必以政術爲先軌謨雖異理化皆一昔者太上之君崇道以致化立德以養物人必欲壽敦禮教而不傷人必欲富薄賦歛而不困人必欲逸則省力而不勞人不欲危卽扶持而使固不强人之所惡不禁人之所欲故能無爲而理不言而化及至中古行仁履義克已厲身拯溺於人博施於物卽能陰陽不錯風雨以時疾疫必除殄孽莫起洎乎末代政令不作刑法聿修奢侈是崇禮樂非雅時無美善之說俗有姦邪之釁豈不由君失其道臣非其人澆薄浸興淳

朴離散者也今陛下出號施令罔有不常齊物正人各得其所然猶綜覈古今稽謀政教視先王之得失崇今日之高明以此天聰尚云不德巍巍至化謙尊而光非臣愚昧所能涯際制策曰皇極之道未敷謨明之軌尚闕思宏厥理其義安從者臣以爲皇極將立莫先擇俊得人則政和非人則政失人賢化遠豈不謬哉至如因能任官量賢受祿卽百僚濟濟萬姓安安去無用之言除無用之器卽情實斯得謬說不繁使人以時謹身節用卽倉廩儲積黎庶完豐進有德而退無良卽庶位允釐庶官不曠尊有功之

子棄無功之人卽營事者不惜其身制作者能竭其力罰必當罪及姦回自除賞必中賢則人臣自勸夫如是則海內行大中之道天下有幸甚之言何憂夫皇極之道未敷者也若乃列張輔佐建立官司詢忠直之言開進諫之路用能獻可替否補過弼違外藏主之非內正君之失今陛下乃順時而動非道不行事無不嘉人欲何說故獻納之職諫諍之詞但可略言莫知所議大哉至德實冠古今且朝無妄臣縱朱雲重生安得折檻人不妄從雖辛毗不死曷聞牽裾天子甚明是故羣臣無事亦何憂文軌之闕哉



制策曰視聽貌言恒若時若會極歸極作哲作乂一以貫之何方而可者臣聞王者法乾理物觀象裁規敬順天時恭行月令恒若時若罔有咎徵矣尊九疇之儀修八政之規事不失儀動不違制出處語默皆歸於仁依乎中庸遠棄偏黨垂至道於萬國寄良政於百官直道而行不可則止會極歸極作哲作乂不日而致矣視聽貌言無從而失也制策曰禮以飾情情疏則禮略樂以通感感至則神和理內爲同修外爲異同異之用有味其功人俗未融佇明期要者臣聞化難將美人各有心不違制節必有放縱故

先王作典禮以防之興雅樂以感之用能移風易俗安上  
理人矣今陛下行宗廟之禮故能配天地之神履直言之  
議故能立上下之敬聽宮商之變故能分善惡之俗捐鄭  
衛之音奏簫韶之樂正疏略之弊敦揖讓之儀州郡大行  
朝廷式序同異斯達內外罔差旣合盡美之端何問不才  
之子若罄愚而說則陛下無有味之咨若駐筆而述則陛  
下鍾佇明之訪實迷誨遊何足知之臣聞大樂與天地同  
和大禮與天地同節旣列同異之因將分內外之殊皇王  
是尊古今所重俱爲時用其功一焉制策曰四時武德制

自何君五行文始本之誰代者臣聞四時武德制之以周  
王五行文始本之於漢帝制策曰昭德武德莫辨所尊昭  
容禮容未詳所出者臣聞昭德武德實有攸尊之道昭容  
禮容出於劉氏之代昔者魯哀公問儒行宣尼有更僕之  
勞孔父訪烏官鄭子生傾蓋之倦然宜富學滄海猶鼃勉  
於一隅況乎道謝桂林豈對揚於庶事徒周遊於文苑終  
展轉於迷津謹對

對求賢策

問選賢舉能秀造參用今之所薦誠爲得人未聞含聲待

金匱要略卷之二十一  
扣乃有不耕而獲十室忠信理亦難誣若遂踐於清朝仗  
何材而濟物又二老歸周見稱何德八元佐舜見述何功  
滋泉以何術見稱莘邑以何辭作相

對昔者聖人之立極也選衆舉能列官分職以通天地之  
德以類亭毒之功臣哉鄰哉時用遠矣主上重光纘曜紹  
開中興拜輜軒於受命之初希俊賢於御極之首茲乃義  
軒之志堯禹之心勤求道要實所望清光哉故鄧林有必  
至之材崑山亦無藏價之寶可不謂然乎臣以妄庸藝無  
兼採謬從卑列應此嘉薦誠非鉛朽所能塞充然天休震

動虛求秀逸揚於王庭亦僂俛矣顧當參明試獻嘉謀竭  
謏聞敷大體言用身退以酬萬一豈所謂不耕而獲邀名  
幸時而已哉今見屬有司恭承下問懋陳常務自謂無奇  
若得飾躬召見對揚天休下學上達舒情竭憤則亦引諭  
陰陽較明時政之要咸激枉直甄撫授受之宜効其涓埃  
以增海岳耳若遂踐清朝濟時成務其道甚大惟變所適  
俾聞後命則藏器而動顧以更僕亦何盡言曲學鯁生居  
今志古若乃終爲令德功實佐時披卷懷人恨爲異代雖  
慚非博物敢不揚言則夫西伯善養夷齊以讓國歸老帝

舜舉能元凱以通才受職惟師尚父韜鈴乃適道之功相  
時阿衡鼎餼獻爲君之術雲臺紀績吳鄧懿其元勲麟閣  
圖功衛霍流其茂實謹對

對厯數策

問元龜效祉鼎命昭夏王之祚赤鳥呈祥金德總商君之  
業白魚躍而周道隆丹雀來而秦德霸殷因夏禮損益可  
知秦盛周衰天人何昧若水滅火起殷周之運匪人若桀  
暴紂昏廢興之期自我然而龍鬬興於夏日鼉祆發於周  
年災祥兆於前成荒敗形於後政蕩蕩之德何所加焉佇

爾揚名爲余張目

對臣聞天地草昧洪鈞列五運之期雲雷始屯大德分一人之位莫不時來命偶人迪天將白環昭虞后之功元珪錫夏王之德空桑負鼎遇爲牲之君渭水張羅得非熊之相伏惟陛下化光坤載道叶乾行總五氣以發生籠百王而亭育粵若稽古推歷數之存亡感而遂通酌天人之符命明揚側陋典採芻詞開闡大猷旁求雅問則天文幽遠誠匪管窺然人事昭彰敢陳壅塞原夫興亡有數符命無差遽啓丹書俄迴白璧君臣道合則遐邇乂安上下情乖

則邦家板蕩水火革而天人順暴虐行而桀紂亡百六爲霖旱之災七九非湯堯之運歷數斯在惟德動天禍福無門惟人所召故德者五行之義也人者兩儀之心也人心動而悔慙生德義形而陰陽謝必乘金運則殷不及於期果歷木行則周不及於數龍鬪黿袂之發人與事并白魚丹雀之符德將時應神道設教金土之運匪他人文化成狂聖之來是我蕩蕩之德何敢不通翼翼之心奚施不可天也人也坦然克分時乎命乎昭文斯辨臣優柔理道杳同河漢或躍文江懼深冰谷謹對



對議邊塞事策

問東胡逆命北海爲墟朝廷循修復之功邊境乏折衝之  
寄遼水東西城池不復丸山左右職貢猶迷其使三聖遺  
黎九州故地飄然零落可不痛哉今欲示以威惠申誘約  
束選衆之舉未覩於今出羣之略何必是古指明其要無  
大簡焉

對古之王者仁覆萬類不以中外爲隔而以兼濟爲心固  
能出門同人遠近感應含生受氣靡不從助焉蠢彼林胡  
阻分遼漢挺而走險代構其患昔我大唐之創業也東舉

日域北暨幽陵不毛之類僉率貢職頃邊吏不謹憊我王  
度夷戎怙亂遂荒塞垣致乃虔劉朔邊騷驚河冀天地悔  
禍人亦有心懷我舊章自相魚肉遊魂待命爲日久矣光  
天纂曜景號昭升萬靈與能兩儀交際蠢彼醜裔何獨非  
人但未諭堯心自疑其譴累息跼蹐猶昧占風且舜自側  
微舞干而有苗卽敘湯亦小惠塞羅而異方懷柔今若一  
選王人以備行李諭茲天造慰彼遺黎則兼程驟步不日  
而至北極夷障無限於幽荒東絕扶桑盡同於封內何止  
兵不血刃野無勞師復遼水之城池循丸山之琛賁而已

若乃選衆舉能之術五材三略之奇亦鏘鏘廟堂濟濟朝  
序人誰不職知臣在君何待庸言而後行是義皇之代戰  
征不興文景之時韓彭勿用雖欲自效亦無所施謹對

對不以采蘋爲節判

甲會射制氏不以采蘋爲節取由加罪訴稱非

三命已上

三皇威察利用弧矢六藝和容率由飲射故澤宮相圃揆  
尊卑之節出正中質定賢愚之分旣參之以樂章必備之  
以禮物甲利乃習妙言會其儀豈徒主皮之善將勤君子

之爭制氏頗曉鏗鏘班乎樂職屬斯登降須徇疇人寧宜  
簋簠不修鐘鼓靡奏闕於所守罪亦何疑至如武侯熊侯  
自天子而斯達采蘋采蘩由命士而有差理合各附等威  
咸依節制訴非三命已覺游詞將扣兩端須知甲品請更  
閱實然後定刑

吳揚吾

揚吾聖厯初成均博士

明堂告朔議

臣等謹按周禮禮記及三傳皆有天子告朔之禮夫天子

頒告朔於諸侯秦政焚滅詩書由是告朔禮廢今明堂肇  
建總章新立紹百王之絕軌樹萬代之鴻規上以嚴配祖  
宗下以敬授時令使人知禮樂道適中和災害不生禍亂  
不作今若因循頒朔每月依行禮貴隨時事須浚革望依  
王方慶議用四時孟月日及季夏於明堂修復告朔之禮  
以頒天下其帝及神亦請依方慶用鄭元義告五時帝於  
明堂則嚴配之道通於神明至孝之德光於四海

魏靖

靖武后朝監察御史

理冤濫疏

臣聞古之綱紀在乎降殺理道攸寄人命所懸法務於寬  
刑期尚簡猶慮詆欺過制旋濫不歸臣遠睇前經歷探故  
事刑得其中則風雨順而陰陽和法失其宜則怨濫興而  
災眚作虐臣酷吏者資矯佞以事君行刻薄以臨下矯佞  
似乎用意刻薄類乎無私侮憲害公弄權撓法倚深之奏  
似公之請旣肆淫巧理難聽察其周興來俊臣邱勣萬國  
俊王宏義侯思止郭宏霸李敬仁彭先覺王德壽張知默  
者旣堯年四凶矣恣愚騁暴縱虐含毒讐疾在位安忍朝

臣罪逐法加刑隨意改當其時也囹圄如市朝廷以目既而神靈不昧冤魂有託行惡期報禍淫可徵具嚴天刑以懲亂首臣竊見來俊臣身處極法者以其羅織良善屠陷忠良籍沒以勸將來顯戮以謝天下臣又聞之道路上至聖主傍洎貴臣明明有羅織事矣俊臣旣死推者獲功胡元禮超遷裴談顯授中外稱慶朝廷載安破其黨者旣能賞不逾時被其陷者豈可銜冤累歲且稱反之徒須得反狀惟據口辨卽請行刑拷楚妄加疑答何限故徐有功以寬平見忌斛瑟羅以妓女而受拘中外具知枉直斯在借

以爲喻其餘可詳臣又聞之郭宏霸自刺而唱快萬國俊  
被遮而遽亡霍獻可臨終膝拳於項李敬仁將死舌至於  
臍皆衆鬼滿庭羣妖橫道近集若響隨聲備在人謠不爲  
虛說伯有晝見殆無以過此亦羅織之一據也臣以至愚  
不識大體儻使平反者數人衆其詳覆來俊臣等所推大  
獄庶鄧艾獲申於今日孝婦不濫於昔時恩渙一流天下  
幸甚

蔣挺

挺義興人武后朝官殿中侍御史內供奉歷湖延二州刺



史

對增貲就賦判

劉乙爲邑道百姓增貲就賦減年從役

皇明撫運萬寓欽承墨綬爲邦四人從化雖輯寧之道自我國章而惠養之規亦憑良宰劉乙懷符宓賤比績劉平增貲減年誠一時之異政以今方古亦千載而同風撫狀雖欲驚款論情翻可嘉尚請從薦舉用表賢能